

中國方志叢書·華中地方·第九五七號

據

清·張尚瑗纂
清康熙五十年刊本

影印

江 西 省

潑水志林

(一)

成文出版社有限公司印行

康熙五十年新編

激水志林

學海堂藏板

敘水志林序

經筵講官禮部左侍郎前內閣學士通政司通政使

日講官起居注翰林院侍

講學主詹事府掌坊事左春坊左庶子左贊善翰林院檢討邑人王思軾撰

有負異於衆之才鬱積而一發神注而力營則隨所遇
而被其聲光溢爲鉅觀勢有固然者吾讀張侯損持激
水志林條其目曰志地志政志事與人與言其序紀傳
述又間出已意與從來志乘家體例懸絕志也而神明
於史矣蓋侯嘗直史館而出宰者也抱負殊尤夙以千
古自命而又更之以遷謫鍊之以繁劇其才氣益將蘊
隆而增長則浸假而發於其所有事且所貴乎志者謂

其識記於不忘徵信而不誣也其體類乎史而其文則
需乎史氏之三長非必建置沿革多爲之類如世俗云
云爾也漢晉以來以志名者三輔黃圖雍錄洛陽伽藍
華陽郡國其所編載歷可攷已至若范致明之岳陽風
土江微之陳留風俗范成大之桂海虞衡分名統類無
所紛侈尤彰明較著侯之志亦略似之蓋負其異於衆
之才學殖茂而識量遠當

聖朝清晏之日又不勝其文章報國之心蘊隆鬱積追
慕古昔堅其志於必往其肯隨俗波靡耶昌黎有言文
惟其是耳太史公作史記爲八書以紀天官河渠諸大

政班孟堅漢書則易之以志事固有不嫌於改爲者侯
亦見其是而已矣而特其撫史爲志一邑而有一代之
規若不欲苟同而故爲異者其跡雖創其制近古其爲
法要不可易嗟夫望新安黃海雲蒸霧湧奔騰萬狀不
得以滄溟爲憾也遊秦淮花塢紅桃千株漂漩水波雲
霞暎發香氣上下心曠神怡而顧以武陵仙境少之乎
然則是志也以爲侯一家言可也以繫侯後日史可也
而激水特受其名斯則山川風物之遇也已余家激者
也喜其成并序以附不朽

序

布衣南豐湯永誠謨

志乘之作必以徵實爲貴文人好奇多附會失實若子
胥之昭關曹公之赤壁昭明之讀書臺後世擬議眩惑
耳目識者病之夫作史有三難志乘何獨不然太史損
持張侯之脩興國志也殆身任其難而克徵其實者歟
興國前有蔡邕二志後有黃志其二志僅存者已多殘
缺黃侯時逢兵燹摻衷之事日不暇給今又三十載矣
此太史之所以黽勉而從事也片詞隻字皆出自手裁
分爲五目曰志地志人志政志事志言凡城池山川疆

域古蹟祠廟土產之類歸之志地官師選舉人物歸之志人賦役鹽屯興利除害折獄祥刑暨乎軍制歸之志政軼事嘉言妖祥靈蠢歸之志事古今傳記書序登臨歌咏詩文之屬歸之志言而統顏曰漱水志林彷彿楊南峰之吳郡識略與曹石倉之古今通釋而變化之不能舊名也予行天下五十年每至其地必索志乘玩覽中州之彰德志西秦之武功志江南之吳郡志與松江府志東粵之廣州志閩之寧化志膾炙人口其他視爲故套以飾文具所謂語焉不精擇焉不詳豈非畏難就易不求其實之故哉太史析其藩籬洪纖畢舉一山也

必該其首尾一川也必溯其源流人物之本末祀典之
廢興程途之遐邇莫不竭蹶求之其苦心獨得在於辯
是非核真偽討故實旁搜博証舉三四百年荒蕪之踪
訛譌之說一旦爲之犁然燦然其古蹟湮沒而得出者
十之三人物翰墨之闇晦而得彰者十之四手經創復
或因感激鼓舞羣襄其事以振興者亦十之一二至於
事具人口名蹟在耳目間而等之若有若無太史年來
爲之傳其事紀其實被以題咏飾以斧藻者不啻十之
六七矣風雨晦明之下仰而思俯而索蓋嘗寢食俱輟
積數載之精神而始有此加以腕力道勁如國如左句

則鍊而字則矜良工心苦其傳於世也夫何疑太史以
戊辰名進士官庶常借才外用宜其不以一邑爲念而
乃關心民瘼七年之內賑荒卹刑養民造士彰彰實政
在興國口碑而茲不具舉者亦以序志林則姑言志林
而已是編也善俗宜民之術表微闡幽之功經經緯史
揚風權雅之學胥於是乎在讀者知其書之謹嚴典核
而孰知其成之之難也

自序

太史公傳儒林裴啟謨語林皆以叢聚森列爲義焦贛
易林則不敢當易而竊附其後若曰於其倫云耳志之
名昉於班氏遷曰書固曰志地理亦志之一也自後十
道九域元和郡國皆曰志遂爲輿地家不祧之名今之
省府縣莫不有志至於一丘一水寺觀園林好事者皆
爲之志然志之道難言矣鄧林之材松柏桐梓楂梨橘
柚奇卉美箭青鮮環周最鉅者絜之百園十仞而後有
枝拱把而上七圍八圍踞高阜而蔭平野招清風而來
時禽遊其下者晨往而夕忘歸此林之適也若乃叢灌

符婁枹道魁癭自斃者神立死者樞蔽者翳相磨者櫟
承得以爲囿蛇得以爲藪而曰此林也神叢之而人依
之舍是其安放夫志也者志其地也志其地之人與事
也其地其人與事可志而志之則志良無可志而志之
或有可志而不之志則志荒戴記論銘有善而弗知知
而弗傳爲不明不仁無美而稱之爲誣今欲務爲仁與
明而無或爲誣於以治其荒而殖其良爲之鉏斫荆棘
燔燒薈蔚旣焚旣醺奇勢乃出謝靈運尋山涉嶺必造
幽峻伐木開徑見者駭之然以視夫袁廣漢之構石爲
山激水爲波博求奇樹異草而植之者天作地產與夫

人力之所致則有間矣天下之羨出於尋常耳目之外者究莫非其中所固有按索而得之怖之者則以爲創獲此有善而弗知可志而不志世之好事者之爲志陳陳相因猥與煩鬱未可與入吾林也或曰近日之志相沿成例爾子子踽踽何爲者則吾固自爲吾之林而已焦氏之林不敢當易吾之林不敢當志志林成而有班馬爲工師其庶幾取材焉可也康熙辛卯中秋日吳江張尚瑗謨

激水志林目錄

志地

卷之一

第一冊

一九

道里考上

卷之二

五三

道里考中

卷之三

八五

道里考下

卷之四

一二七

水道考

灘

陂堰

志人

卷之五

一四一

官師

卷之六

一八九

名臣

文學

武略

卷之七

二二九

寓賢

忠節

行義

孝子

義民

耆民

卷之八

二六九

科目

仕籍

勲爵

戚屬

內侍

卷之九

三〇七

仙釋

方伎

列女

志政

卷之十

三三五

田糧

倉穀

鹽法

卷之十一

第二冊

三六七

兵防

保甲

卷之十二

三八三

明文移

卷之十三

四三九

目錄

目錄